

# INUIT ATAQATIGIIT

## Inatsisartuni



25. juni 2026

Inatsisartut suleriaasianni § 37, imm. 1 naapertorlugu apeqqutit tulluuttut Naalakkersuisunut saqqummiuppakka:

### Apeqqutit:

- 1. Ilinniartitaanermut, Kulturimut, Timersornermut Ilageeqarnermullu Naalakkersuisup Islandimut angalanermi suut Kalaallit Nunaata angusassarinerai pillugit sukumiisumik nassuiaateqarsinnaava?**
  - a. Inatsisartut upernaakkut ataatsimiinnerisa nalaanni Islandimut sulianut atatillugu angalaneq pisariaqarsimava?**
- 2. Islandimut angalanermut aningaasartuutit tamarmiusut qanoq annertutigippat?**
- 3. Sooq ileqqusut malillugit Naalakkersuisup Islandimut angalanera pillugu Inatsisartut nalunaarfigineqanngillat?**

(Inatsisartunut ilaasortaq Nivi Rosing, Inuit Ataqatigiit)

### Tunngavilersuut:

Paasivarput Ilinniartitaanermut, Kulturimut, Timersornermut Ilageeqarnermullu Naalakkersuisoq Inatsisartut upernaakkut ataatsimiinneranni Islandiliarsimasoq. Inatsisartut ataatsimiinneranni Naalakkersuisut piareersimajuartussaapput. Upernaakkut Ataatsimiinneq 2026 ilinniartitaanermut kultureqarnermullu tunngasut immikkoortut amerlasoorujussuupput Ataatsimiititaliani pineqartuni suliassat. Ataatsimiititaliaq immikkoortut pineqartut pillugit ulapittupilussuusimavoq, taamaattumik isumaqarpunga Ilinniartitaanermut, Kultureqarnermut, Timersornermut Ilageeqarnermullu Naalakkersuisoq Inatsisartut ataatsimiinnerata nalaani pinartoqartinnagu Nuummiiginnartarnissaa. Nunanut allanut immikkoortoq suliassalluunniit allat pinartut pisimagaluarpata tamanna paasilluarneqarsinnaagaluarpoq. Inatsisartulli upernaakkut ataatsimiinnerisa nalaanni Islandimili universitetimut pulaarneq pisariaqarpa? Naalakkersuisoq angalagaangat angalaneq pillugu Inatsisartunut nalunaaruteqartarneq ileqquugaluarpoq, tamanna juunip qaammataani pinngilaq, taamaammallu angalanerup siunertaani aningaasartuutigineqartunillu nassuiaaffigineqarnissara kissaatigaara.

Apeqqutima ullut suliffiusut qulit iluanni akineqarnissaa qinnutigaara